

BOSNA I HERCEGOVINA



БОСНА И ХЕРЦЕГОВИНА

Tužilaštvo - Tužiteljstvo Bosne i Hercegovine
Тужилаштво Босне и Херцеговине

Posebni odjel za ratne zločine
Broj: T20 0 KTRZ 0020487 21
Sarajevo, 29.04.2022. godine

SUD BOSNE I HERCEGOVINE
Odsjek I za ratne zločine
-Sucu za prethodno saslušanje-
Na broj: broj S1 1 K 036865 22 Krn
SARAJEVO

Na temelju odredbe članka 35. stavka 2. točka i), članka 226. stavka 1. i članka 227. stavka 1. Zakona o kaznenom postupku Bosne i Hercegovine, podižem:

OPTUŽNICU

PROTIV:

Nikole Koprivica, zvan „Nidžo“ rođenog
1954. godine u općini Sokolac,
državljanina
BIH,

Što je:

Od sredine svibnja mjeseca, pa najmanje do kraja rujna mjeseca 1992. godine na području općine Sokolac u okviru široko rasprostranjenog i sistematičnog napada Teritorijalne odbrane Srpske Republike Bosne i Hercegovine u okviru koje je formirana i djelovala i Teritorijalna odbrana opštine Sokolac, kasnije, Vojske Srpske Republike Bosne i Hercegovine, odnosno Vojske Republike Srpske, (u daljem tekstu VRS), policijskih snaga Ministarstva unutarnjih poslova Srpske republike Bosne i Hercegovine, Stanice javne bezbjednosti opštine Sokolac, usmjerenog na civilno stanovništvo, Bošnjake općine Sokolac, u svojstvu pripadnika čete Vojne policije 2.rmtbr VRS, sudjelovao u progonu i ubistvima civilnog bošnjačkog stanovništava sela Novoseoci, općina Sokolac, na način da je:

„U noćnim satima 21.09.1992. godine na 22.09.1992. godine, naoružan i uniformiran, zajedno sa drugim pripadnicima čete Vojne policije i Izviđačke čete 2.rmtbr. VRS, vojnim vozilima došao u neposrednu blizinu sela Novoseoci da bi zatim zajedno sa ostalim pripadnicima čete vojne policije i izviđačke čete opkolili sa tri strane selo Novoseoce, nakon čega su u jutarnjim satima prišli i ušli u samo selo te nezakonito lišili slobode sve civile Novoseoca, uključujući starce, žene i djecu, na način da im je izdata naredba da izađu iz njihovih kuća i okupe se na proplanku Metaljka, iznad sela u blizini kuće [REDACTED], gdje su opkoljeni od strane naoružanih pripadnika VRS, da bi [REDACTED] naredio da se preda oružje, te nakon što je od okupljenih civila dobio odgovor da u selu nema oružja, nedugo potom [REDACTED] je putem motorole dobio naredbu [REDACTED] da dođe na plato zvani Buljukovina, iznad sela Novoseoci, na kojem su se nalazili [REDACTED] kojom prilikom se na platou Buljukovine, nakon kraće rasprave među prisutnima oglašava [REDACTED] koristeći svoj položaj i autoritet, prenosi [REDACTED] da se prethodno zarobljene žene i djeca iz Novoseoca deportiraju za Sarajevo, a zarobljeni muškarci pobiju, da bi se [REDACTED], zajedno sa [REDACTED] suglasio sa tim stavom i naredio [REDACTED] da se vrati u Novoseoce i realizira na terenu dogovoreni plan što je [REDACTED] i učinio, te se po povratku u Novoseoce vraća do lokacije Metaljka gdje su i dalje se nalazili opkoljeni civili iz sela Novoseoci te naređuje ženama sa djecom da krenu do svojih kuća, koje su u međuvremenu opljačkane od strane prisutnih vojnika, pripadnika Vojne Policije i Izviđačkog voda, uzmu najnužnije stvari, i upute prema autobusu koji je u međuvremenu stigao u selo i koji je bio parkiran kod seoske džamije, kako bi bili deportirani u Sarajevo, dok [REDACTED] muškarcima civilima govori da će ići na radnu obavezu, obmanjujući iste, te na samo točno njemu poznat način određuje grupu vojnika 2. rmtbr.VRS, pripadnika vojne policije i izviđačke čete među kojima i Nikolu Koprivicu, koji su, nakon što su žene i djeca ušli u autobus koji je pod pratnjom vozila civilne policije sproveden iz sela u pravcu grada Sokoca i dalje prema teritoriji pod kontrolom Armije BiH, nedugo potom, sjeli u teretna motorna vojna vozila, znajući da ih provode radi ubijanja, zajedno sudjelovali u provođenju dva vojna kamiona sa ceradom u koje su prethodno naredili da uđu 44 muškarca civila iz Novoseoca, do smetlišta na Ivan polju, općina Sokolac, udaljenom oko 6 kilometara od Novoseoca u pravcu Rogatice, da bi pripadnici navedene grupe, među kojima i Nikola Koprivica, nakon što su se vozila zaustavila na samom smetlištu na Ivan Polju, naredili muškarcima iz prvog vojnog kamina da izađu i pješke se upute do nekoliko desetina metara udaljenog ruba vrtače na smetlištu, okrenu se leđima prema njima, istovremeno naoružani

automatskim oružjem sprječavali njihovo bjekstvo, da bi nakon toga Nikola Koprivica sudjelovao u ubojstvu izvedenih muškaraca civila bošnjačke nacionalnosti, na način da je pucnjavom iz automatskog naoružanja, zajedno sa ostalim pripadnicima navedene grupe lišio života izvedene civile bošnjačke nacionalnosti, da bi nakon toga Nikola Koprivica, zajedno sa ostalima, nakon što su izveli muškarce iz drugog vojnog kamiona, a zatim ih doveli do približno istog mjesta, naredivši i njima da se okrenu leđima na isti način sudjelovao u lišenju života i druge grupe muškaraca civila bošnjačke nacionalnosti, a ukupno u njihovim tijelima je završilo 178 hitaca, gdje je prosječno svaki od njih primio 4 hica, neki od njih čak 8, te kada je pucnjava prestala [REDACTED] pripadnik izviđačke čete je pojedinačnim hicima iz pištolja „ovjeravao“ civile, muškarce pucajući u predjelu lobanje u streljane civile, te su na taj način lišili života 44. civila, muškarca prouzrokovavši smrt njih 44 to: [REDACTED]

[REDACTED] da bi tijela 42 streljana civila bila pronađena tokom 2000. godine na smetljištu Ivan polje, zatrpana ispod naslaga smeća i ruševina novoseočke džamije srušene po naredbi [REDACTED], a čiji ostaci su doveženi na smetljište, dok je tijelo [REDACTED] pronađeno 2011. godine u grobnici 450 metara udaljenoj od smetljišta, gdje je sklonjeno tokom rata radi prikrivanja zločina, dok tijelo [REDACTED] ni do danas nije pronađeno“.

Dakle, u okviru širokog i sistematičnog napada vojske i policije Republike Srpske, znajući za takav napad, i da njegove radnje čine dio tog napada, počinio kazneno djelo Zločin protiv čovječnosti, progonom kroz prisilno preseljenje stanovništva i namjerna lišavanja drugih osoba života (ubijanja).

Čime bi počinio kazneno djelo Zločin protiv čovječnosti iz članka 172. stavak 1. točka h) u svezi sa točkama a), i d), KZ BiH, a sve u svezi, sa člankom 180. stavak 1. i člankom 29. istog zakona.

TUŽITELJ
TUŽITELJSTVA BOSNE I HERCEGOVINE